



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. II. Solvuntur objectiones

---

[urn:nbn:de:hbz:466:1-77355](#)

S. II.

## Solvuntur objectiones.

**O**BIECIES primò cum Scoto: Virtus humana solum potest esse in illa potentia, quæ est propria hominis in quantum homo est: Atque appetitus sensitivus non est hujusmodi, sed communis hominibus & brutis: Ergo virtus humana seu moralis non potest in illo subjectari.

Huic argumento patet responsio ex dictis initio hujus articuli, ubi advertimus non esse sermonem de appetitu sensitivo secundum se, sed prout in homine aliquid rationis participat, quo pacto non convenit bruis.

Objicies secundò: Virtus moralis est habitus electivus, ut patet ex ejus definitione, disputatio precedenti adducta: Sed habitus existens in appetitu sensitivo non est electivus: cùm elec-tio non sit actus appetitus sensitivi, sed solius voluntatis, ut docet D. Thomas suprà qu. 13, art. 2. Ergo habitus existens in appetitu sensitivo virtus moralis esse nequit; subindeque non in tali appetitu, sed in sola voluntate, virtutes morales subiectantur.

Respondeo omnem virtutem moralem esse quidem habitum electivum; in eo tamen differre virtutes morales quæ versantur circa passiones, & resident in appetitu sensitivo, ab aliis quæ non habent moderari passiones, & in voluntate subiectantur, quod iste sunt habitus electivi formaliter, directè, & immediatè, quia directè & immediatè efficiunt electionem, quæ in voluntate residet; illæ vero sunt habitus electivi solum participativè, indirectè, mediatae, & completivè: tum quia elicunt actum appetitus, in quo electione voluntatis & ordo rationis participatur: tum etiam quia moderando passiones appetitus, quæ electionem debitam perturbant, indirectè & mediatae ad illam conductunt: tum denique, quia licet ipsam electionem directè non eliciant, efficiunt tamen actum appetitus sensitivi executivum & completivum illius, subindeque habitus electivi executivè & completivè dici possunt. Quam doctrinam & solutionem fusè expendunt Salmanticenses hic disp. 2. dubio 2. s. 2. cam que variis D. Thomas testimoniis illustrant.

Dices, Ex hac solutione sequi, quod in voluntate debeat ponni virtus aliqua ad producendam illam electionem, ad quam indirectè solum & mediate virtutes temperantiae & fortitudinis in appetitu sensitivo existentes concurrunt: Sed hoc dici nequit, alioquin ad moderandas passiones requirentur duo genera virtutum moralium, quarum alia in voluntate, alias in appetitu sensitivo existent: Ergo &c. Sequela probatur: Antequam passiones appetitus sensitivi sint moderatae per habitus fortitudinis & temperantiae, voluntas partitur difficultatem in eligendo illatum obiecto: Ergo ad vincendum talem difficultatem, & ad resistendum passionibus appetitus irascibilis & concupiscibilis, requiritur aliqua virtus in voluntate.

Respondeo negando sequelam: Ut enim articulo sequenti ostendemus, voluntas non eget virtute superaddita, ut rendat in bonum proprium, quale est illud ad quod ordinantur temperantia & fortitudo. Ad probationem in contrarium dicendum est, illam solum probare quod voluntas ob conjunctionem quam habet cum appetitu rebelli, indiget habitu continentiae ad resistendum passionibus concupiscibilis, & habi-

A tu constantia seu perseverantia ad resistendum passionibus irascibilis: illi tamen habitus non habent rationem virtutis, ut docet S. Thomas infrà qu. 58. art. 3. ad 2. quia vera virtus non est in voluntate circa passiones, quandiu non sunt sedatae, cùm virtus sit dispositio perfecti ad optimum, id est ad perfectam operationem: patet autem quod continentia & perseverantia non sunt in voluntate absque perturbatione passionum, immo ad hoc ponuntur in illa, ut resistat passionibus contra rationem insurgentibus: Ergo sicut praediti habitus non habent consummare bonum ad quod ordinantur, nimirum moderantiam passionum, ita nec habent rationem virtutis.

Objicies tertio: Virtus moralis debet habere pro subjecto potentiam liberam: Sed appetitus sensitivus non est potentia libera: Ergo non est subjectum virtutis moralis. Major est certa: virtus enim moralis debet esse principium actus liberi, & moralis, subindeque subiectari in potentia libera. Minor etiam videtur manifesta: cùm libertas non in parte inferiori & sensitiva, sed in superiori & intellectiva residet, & sit formaliter in voluntate, & in intellectu radicaliter.

Respondet primò Martinez, appetitum sensitivum esse principium actus liberi, non intrinsecè à libertate existente in ipso, sed extrinsecè ab ea quæ est in actu voluntatis. Sed hæc responsio difficultatem non solvit: cùm enim omnis actus virtutis sit intrinsecè bonus & moralis, debet etiam esse intrinsecè liber, præsertim cùm bonitas moralis supra ipsam libertatem fundetur.

Respondet secundò alij ex nostris Thomistis, quod sicut cogitativa in homine ex coniunctione, quam habet cum intellectu, vim aliquam discurrendi participat, ut colligitur ex S. Thoma i. p. qu. 78. art. 4. in corp. & ad s. ita appetitus sensitivus, ut est in homine, ex coniunctione quam habet cum voluntate, & ex eo quod ultraque potentia radicetur in eadem anima, aliquam libertatem intrinsecam participat, ut docet idem D. Doctor in 2. dist. 21. qu. 1. art. 2. ad 5. his verbis: *Appetitus concupisibilis habet quandam libertatem in homine, secundum quod potest obadire imperio rationis, & sic in concupisibili potest esse peccatum.*

Verum licet hæc doctrina verissima sit, & menti Angelici Doctoris consona, non sufficit tamen ad evacuandam difficultatem argumenti propositi: nam actus virtutis debet esse simpliciter liber, sicut est simpliciter bonus & honestus: libertas vero, quam appetitus à voluntate participat, ob coniunctionem illam habitualē, & radicationem quam habent in eadem anima, tantum est secundum quid & imperfecta, & ideo non sufficit ad peccandum mortaliter, nisi consensus voluntatis accedat, sed solum venialiter, Disp. 5. art. 2.

E ad objectionem dicendum est cum Salmanticensibus, quod licet appetitus sensitivus hominis, ex vi coniunctionis quam habet cum voluntate, non evadat simpliciter liber, sed solum secundum quid, ex actuali tamen influxu & motione voluntatis, per quam ipsum applicat ad operandum, participat intrinsecè libertatem perfectam: unde sicut in ipso ut actualiter motu à voluntate potest reperiri vitium, & peccatum, non solum veniale, sed etiam mortale; ita prout sic potest esse principium actus virtuosi, & subjectum virtutis moralis elicitive talis actus.

T. t

## DISPV TATIO SECUNDA

330

27. Objicies quartò: In ea solum potentia refi- A  
det virtus moralis, que potest attingere bonum honestum: Sed appetitus sensitivus nequit hoc bonum attingere; cum ejus objectum adaequatum sit bonum sensibile corporeum, honesto valde inferius, & ei sepe contrarium: Ergo virtus moralis in appetitu sensitivo subjectari nequit.
28. Relpondeo concessa Majori, negando Minorēm: quamvis enim appetitus rationalis per se primò attingat bonum honestum in communi, & immediate regulatum per rationem; appetitus tamen sensitivus, ut actualiter morus à ratione & voluntate per quandam participationem rationis attingit bonum honestum in particulari, & regulatum per cogitativam; illud enim non est omnino extra lineam sensibilis & corporis, quia licet sit bonum secundum rationem, non tamen nisi ut participative ordo rationis in actu sensitivo habetur; quo pacto induit rationem boni corporis & sensibilis, cum non sit aliud quam corporea & sensibilis conformitas hujus actus cum actu rationis.
29. Objicies quinto, & simul instabis contra praecedentem solutionem: Regula virtutis moralis est prudentia: Sed appetitus sensitivus non regulatur per prudentiam: Ergo non est subjectum virtutis moralis. Minor probatur: Appetitus sensitivus regulatur per apprehensionem sensus: Sed in sensu non est prudentia: Ergo appetitus sensitivus non regulatur per prudentiam. Major patet, Minor probatur. Prudentia debet attendere ad omnes circumstantias, & omnia quæ possunt accidere, praecavere: Sed hoc repugnat sensui: Ergo in eo prudentia esse nequit.
30. Respondeo non omnem actum virtutis regulari immediate per veram prudentiam, sed mediata, quatenus intellectus per veram prudentiam proponit objectum honestum sensui, & sensus proponit appetitiu bonum auditum ab intellectu: unde non opus est quod sensus attendat ad omnes circumstantias, sed hanc circumspectionem supponit factam ab intellectu. Si tamen velis dicere, quod sicut in appetitu est quædam libertas participata à voluntate, ita in apprehensione sensitivo, per quam dirigitur, est quædam veluti prudentia imperfecta, ab intellectu participata, quæ plures circumstantias actus ab appetitu eliciti potest attingere; nihil dices à veritate, & à principiis supra statutis alienum.

### ARTICVLVS III.

*Virum in voluntate ponenda sit virtus non E  
solum in ordine ad bonum supernaturale,  
& bonum naturale alienum, sed etiam  
in ordine ad bonum connaturale proprij  
suppositi?*

CERTVM est apud omnes, virtutem non ponere in voluntate, nisi ad attingendum bonum honestum & morale, seu commensuratum ad rectam rationem & dictamen prudentiae: sed cum tale bonum sit duplex, aliud supernaturale & divinum, quod non potest cognosci nisi per lumen supernaturale, & aliud naturale, quod sumitur per conformitatem ad dictamen naturale intellectus & prudentie; & rursum naturale aliud sit proprium illius suppositi in quo est vo-

luntas, cuiusmodi est moderatio proprietarum passionum; & aliud alienum, quale est reddere alteri quod suum est; querunt Theologi, an, & in ordine ad quod bonum honestum ex affigatis, ponenda sit in voluntate virtus?

§. I.

*Tripli conclusione difficultas resolvitur.*

Dico primò, Voluntatem indigere habitu virtutis ad attingendum bonum supernaturale.

B Probatur breviter: Voluntas indiget virtute ad attingendum objectum quod excedit proportionem volentis: Sed bonum supernaturale excedit proportionem volentis, quantum ad speciem, cum illud sit supra totam speciem naturæ humanae: Ergo voluntas indiget virtute superaddita ad attingendum bonum divinum & supernaturale, nimirum spe & charitate.

Dico secundò, requiri etiam in voluntate habitu virtutis ad attingendum promptè & faciliiter bonum alienum, etiam naturale.

Probatur: Licet bonum alienum naturale non excedat proportionem voluntatis, quantum ad speciem, sicut bonum supernaturale, eam tamen excedit, quantum ad individuum; quia uniuscujusque voluntas, hoc ipso quod est radicata in hoc numero supposito, determinatur per suam differentiam individualium ad bonum proprij suppositi, juxta illud Philosophi: *Amenabile bonum, unicuique vero proprium:* Ergo voluntas indiget habitu virtutis ad attingendum bonum alienum, etiam naturale, ut creditoris, patris, benefactoris &c. Et ideo Theologi collificant in ea justitiam, & ejus partes, non tantum subjectivas, nimirum commutativam, distributivam, legalem, & epiceiam, sed etiam potentiales, ut pietatem, gratitudinem, observantiam, religionem &c. Per quod excluditur error Flaminij, qui lib. 2. de felicitate, non sine temeritate nota, ausus est dicere, *Errorum maximum esse, quod Philosophi & Theologi arbitrantur, virtutes alias morales esse in voluntate.*

Dico tertio, voluntatem respectu proprij boni, saltem ordinis naturalis, non indigere virtute, ac proinde omnes virtutes, respicientes hujusmodi bonitatem, residere duntaxat in appetitu sensitivo. Ita communiter docent Thomistæ contra Scotistas, & Patres Societatis; videturque haec sententia esse exprefse Aristotelis, & D. Thoma: Philosophus enim 3. Ethic. cap. 10. temperantiam & fortitudinem ponit in appetitu sensitivo, solumque iustitiam collocat in voluntate. Idem clare docet S. Doctor qu. 1. de virtutibus art. 5. ubi sic concludit: *Sic ergo duas virtutes sunt in voluntate sicut in subiecto, scilicet charitas & iustitia &c. Illas autem virtutes, quæ circa passiones consistunt, sicut fortitudo circa timores & audacias, & temperantia circa concupiscentias, oportet eadem ratione esse in appetitu sensitivo.* Nec oportet quod ratione istarum passionum sit aliqua virus in voluntate; quia bonum in ipsis passionibus est quod est secundum rationem, & ad hoc naturaliter habet voluntas ex ratione ipsius potentie, cum sit proprium objectum voluntatis. Quibus ultimis verbis rationem fundamentalem nostra conclusionis insinuat. Nulla enim potentia eget habitu virtutis ad attingendum objectum in